

Zbirka medijskih objava

Vlada Brčko Distrikta_kliping_dnevno,
za razdoblje 20. 2. 2022

Broj objava: 2

Internet: 2

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 2

Brčko:

Internet	Naslov	U BiH evidentirana 663 nova slučaja zaraze koronavirusom, preminulo šest osoba		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 19. 2. 2022		
	Autor	FENA		
	Teme	Brčko		

Internet	Naslov	Medžida Kreso: Napadi iz RS-a na državno pravosuđe traju više od 20 godina		
Serijski br. 2	Medij; Doseg	Klix.ba; , Bosna i Hercegovina		
	Rubrika, Datum	Ostalo; 19. 2. 2022		
	Autor	R. D.		
	Teme	Brčko		



U BiH evidentirana 663 nova slučaja zaraze koronavirusom, preminulo šest osoba

U Bosni i Hercegovini u posljednja 24 sata evidentirana su 663 nova slučaja zaraze koronavirusom, dok je šest osoba preminulo od posljedica zaraze.

Podsjećamo, u Bosni i Hercegovini je jučer evidentirano 616 novih slučajeva zaraze koronavirusom, a u istom periodu preminulo je 20 osoba kod kojih je potvrđen test na taj virus.

Federacija BiH

U Federaciji BiH evidentirana su 554 slučaja zaraze u svim kantonima, a tri osobe su preminule.

U Federaciji je testirano 1.938 uzoraka u protekla 24 sata, a od početka pandemije testirano ukupno 1.195.831 uzoraka i koronavirus je potvrđen kod 243.382 osobe. Ukupan broj smrtnih ishoda od početka pandemije na području Federacije BiH je 8.543.

Republika Srpska

U Republici Srpskoj potvrđena su 104 nova slučaja zaraze od 462 obrađena testa i evidentirana su tri smrtna slučaja.

Od početka pandemije u bh. entitetu Republika Srpska potvrđena su 110.774 slučaja koronavirusa, a preminule su 6.202 osobe kod koje su bile pozitivne na prisustvo koronavirusa.

Brčko distrikt BiH

U **Brčko** Distriktu pet je novozaraženih osoba, a smrtnih slučajeva nije bilo.

U **Brčko** Distriktu BiH do sada je prisustvo koronavirusa potvrđeno kod ukupno 14.148 osoba od izbijanja pandemije, dok je 524 preminulo od posljedica zaraze. Oporavilo se 12.577 osoba, dok je 1.047 aktivnih slučajeva.



Napadi iz RS-a na državno pravosuđe traju više od 20 godina

Bivša predsjednica Suda Bosne i Hercegovine Meddžida Kreso u razgovoru za Klix.ba kaže kako napadi na državno pravosuđe iz Republike Srpske datiraju još iz 2000. godine te kako je neophodna reakcija kako domaćih tako i međunarodnih instanci.

"Težnje RS-a, odnosno Milorada Dodika da ukine pravosuđe na državnom nivou datiraju od 2000. godine. Najprije tako da se ne odobri budžet za rad tih institucija pa najavom referendumu o ukidanju suda i tužilaštva, protivljenju ostanka stranih sudija u ovim institucijama, brisanju člana 7. Zakona o Sudu BiH koji je regulisao tzv. proširenu nadležnosti i tzv. 'upadom' u državni pravosudni sistem kad je RS donijela entitetski krivični zakon preuzevši brojna krivična djela sadržana u Krivičnom zakonu BiH", kazala je ona.

Jasno tvrdi da bi osnivanjem entitetskog VSTV-a kompletno državno i federalno pravosuđe i pravosuđe **Brčko** Distrikta bilo narušeno, a posljedice nesagledive.

"Donošenje entitetskog zakona o VSTV-u je prije svega protuustavan čin, a koji, ako bi se realizirao srušio bi treći stup vlasti. Ne čekajući ocjenu ustavnosti ovog akta pred Ustavnim sudom BiH, aktere i inicijatora protuustavnog djelovanja treba odmah procesuirati jer su se u njihovim radnjama stekla obilježja nekoliko krivičnih djela, čime bi se zaustavila dalja erozija rušenja države", naglašava ona.

Međunarodna zajednica, posebno visoki predstavnik koji ima bonske ovlasti, uporedo bi trebali djelovati s pravosudnim zahvatima prema rušiteljima pravnog sistema, naglašava ona.

"Stanje u pravosuđu je loše, to već i ptice na grani znaju, i treba ga temeljito resetovati, pogotovo sastav VSTV-a koji je u velikoj mjeri 'tegeltizovan' za potrebe određenih politika. Treba reducirati njegove ovlasti, povećati kriterije ko može biti član toga regulacionog tijela jer su oni najodgovorniji za loš izbor kadrova", zaključuje Meddžida Kreso.